

Transkription von Urkunde BRB 1388b

Ort, Datierung: Brandenburg an der Havel, 1388-08-17

Signatur: Stadtarchiv Brandenburg, 0.1.0.15

Inhalt: Gebrüder van Aluensleuen: Lehnsbrief

Wi frederik van Alue(n)sleuen vnd(e) Busse vnd(e) he(n)rik brude(re) ghe heÿte(n) / van
Alue(n)sleue(n) Be ke(n)ne(n) in dessen open briue dat wi lyen vnd(e) ghe / legghen hebb(e)n in eyner
same(n)der hant den Ratma(n)nen in der nyenstad / thû Brande(n)borch di dorpstede thu Smoln med
ouerste med sideste / med allen rechte vnd(e) med aller thû be hori(n)ghe vnd(e) willen em der / eyn
recht ghe wer sin . var alle di ghene di var recht kome(n) wille(n) / Des tû tûghe vnd(e) tu ener merer
be kanntnisse So hebbe ik frederik / vnd(e) busse van Alue(n)sleue vnse Jngheseghe van vnser drier
weghen / laten he(n)ghe(n) an dessen brif wen he(n)rik eyn ghen eyghen Jnghesegel / en heft tu
Tughe desser dink sin di erleke lude he(n)ni(n)g wuchenow / claus dines belenantz vnd(e) Ander
bederuer lude ghe nûch di dar / ouer ghe wesen sin . di ghe geue(n) is na godes bord Dusent jar / dri
hunderd jar Jn deme Achte vnd(e) achtigsten jare des ma(n)daghes / na vnser vrowen daghe
wartwyghy(n)ghe /